



Universitätsbibliothek Paderborn

**Dictamen Illustrissimi ac Reverendissimi P. Mag. Fr.
Gabrielis Adarzo de Santander, Episcopi Viglevanensis,
Ad Interrogata respondens Circa Exclusivam, quandoque
à Principibus interpositam, ne ...**

Adarzo, Gabriel

Frankfurt, 1660

Exercet charitatem erga Ecclesiam.

urn:nbn:de:hbz:466:1-10517

*Exclusiva exercet -charitatem erga
Ecclesiam.*

74 **A**Lià viâ suadetur Exclusivæ honestas : nam licitum & laudabile est pecunijs redimere injustam Ecclesiæ vexationem , casu quo Electores eligere voluissent indignum : ergo licitum & laudabile erit redimere eam Exclusivæ interpositione. Patet consequentia , nam majorem honestatem præse fert, si redemptio prece fiat , & non pretio ; Sed per Exclusivam fit prece, per pecunias verò fit pretio, ergo si hoc est honestum & laudabile , honestius & laudabilius erit illud. Antecedens autem probatur auctoritate gravissimorum Doctorum : nam ita sentiunt Major in 4. dist. 25. q. 5. ad 2. Sotus l 9. de just. q. 6. art. 1. ad 5 : Azor tom. 3 lib. 12. cap. 7. quæst. 3. Villalobos tom. 2. tr. 37. diffic. 23. Ledesma 2. p. tr. 12. post 17. conclusionem: Aragon 2. 2. quæst. 100. art. 6. P. Gabriel Vasquez Opusc. de scando , art. 8. dub. ultimo vers. ex hac doctrina. Petrus Hurtado 2. 2. disp. 173. sect. 17. §. 237. Castro Palao, tom 3 disp. 3 de Simonia, punc̄to 20. num: 8. Valencia tom. 3. disp. 6. quæst. 16 punc̄to 3. vers. quartò sequitur. Lessius lib. 2. de just. cap. 35. dub. 18. & 19: Becanus de just. & jure cap. de Simon. quæst. 14. Basilius Ponce de Leon de Matrim. lib. 5. cap. 18. num.

num. 42. Omitto Magistrum Petrum Merino, publicum & proprietarium moralis Cathedræ Salmanticæ professorem : Mag. Casparum de Los Reyes, Primariæ Theologiæ Cathedræ moderatorem ; Mag. Ferdinandum de Leon Cathedratum Scoti, S. Thomæ , & Durandi Præceptorem , in manuscriptis de Simoniâ & justitiâ, omnes Magistri mei , omnes Salmanticenses Doctores , omnes mei Instituti alumni : ex quibus omnibus multi loquuntur expressè , & in terminis de Electione summi Pontificis.

D. Thomas , 2:2. quæst. 100. art. 2. ad 5. chorum 75 dicit, docens quòd sit licitum ei , qui habet jus ad Episcopatum , däre pretium, ut removeat impedimenta injustè eum retardantia, quod est redimere injustam vexationem. Et art. 4. ad 3. excusat Angelicus Præceptor à Simoniâ Iacob ementem primogenituram ab Esau (cui ante legem sacerdotium annexum erat) & dicit S. Thomas id licitum fuisse, quia per illud pretium Iacob redemit suam injustam vexationem ; nam cum ipse haberet jus ad primogenituram ex DEI voluntate , injustè vexabatur, quamdiu apud Esau detinebatur. Ergo secundum D. Thomā licitum est redimere injustam vexationem circa res spirituales, si adest in vexato jus ad illas.

H 3

Tunc

Tunc sic: sed Ecclesia secundum eundum S. Doctorē
 7.2. quest. 185 artic. 3. in corpore, habet jus, ut Electores
 non provideant ei de indigno, sed de meliori, atten-
 tis circumstantijs præsentis necessitatis Ecclesiæ.
 Ergo si Electores vellent eligere indignum, injustè
 vexarent Ecclesiam; Ergo licitum esset secundum
 D. Thomam pretio redimere hanc injustam vexa-
 tionem: quod erat nostrum Antecedens suprà
 positum.

76 Cajetanus etiam stat expressè pro hac sententia,
 agens in terminis de electione Summi Pontificis,
 tom. 2 opus. tr. 9. quest. 3. vers. quoad tertium, ubi postquam
 negaverat redemptionem injustæ vexationis pro-
 priæ habere posse locum ante electionem; quia
 ante electionem nullus habet jus ut eligatur ad
 dignitatem: admittit tamen, quod Redemptio
 vexationis Ecclesiæ (casu quo Electores vellent
 indignum eligere) habeat locum ante electionem:
 quia, inquit, Ecclesia habet jus, ut Electores
 ei de bono, & digno Pastore provideant: ex quo
 infert (notentur verba Cardinalis, scientiâ & pur-
 purâ Eminentissimi) *Excellētissimæ charitatis esset opus,*
si volentibus Electoribus Caput perniciosum eligere, pecuniam
quis eis daret, netam immane sacrilegium committerent. Sicut
volentibus materiale templum spoliare, laudabiliter daretur
pecu-

pecunia, ne hoc faciant: tanto enim magis in casu nostro licitum laudabile est, pecuniam dare promittere, quanto vita ovium Christi omnibus rebus temporalibus præponenda est: cum pro illis Dominus animam suam posuerit, cæterisque præponendam mandaverit, non solum exteriorem substantiam, sed vitam, cum oportuerit; Hæc Cajetanus.

Denique P. Franciscus Suarez tomo I. de Religione, lib. 4. cap. 50. numero 35. agens de electione summi Pontificis, multa dicit omnino ponderanda ob meritum tanti Doctoris. Conveniunt omnes (ait) non esse simoniam dare pecuniam Electori, ut non eligat indignum: quia tunc non datur pecunia pro aliqua re spirituali; nec pro usu spiritualis potestatis: nec pro usu simpliciter: sed datur pro non-usu, seu potius pro non-abuso spiritualis potestatis. Hæc ille. Ex quibus infero: Ergo cum Exclusiva non respiciat usum spiritualis potestatis, sed solum non usum illius, circa personam indignam, sequitur quod Exclusiva non ingrediatur electionem, sed fita licet omnino eam antecedens: hoc notavi pro superdictis, numero 64.

Redeat iterum P. Suarez. Item (inquit) pertalem largitionem non emitur Pontificatus; nec per se liquendo, paratur via ad illum obtinendum (Ecce iterum, quod Exclusiva non intrat terminos electionis, immo nec paratur via ad Pontificatum: quod ego intelligo de præparatione posi-

positiva; non de negativa juxta dicta suprà numero
 64.) sed relinquitur Elector in eadem libertate, quam juxta divi-
 nam legem, & justitiam habere debet (nota , ergo si post
 Exclusivam de indigno manet libera electio , & ele-
 ctor quoad electionem sequitur , sequitur quòd
 Exclusiva non ingrediatur electionem, nec libertatis
 ejusdem jura laedat) Ecclesia autem [prosequitur]
 habet jus, non solum, ut non eligatur indignus : sed etiam ut non
 eligatur minus dignus. Ergo in quo cunque istorum vexationem
 patiatur, licitum est unicuique redimere jus Ecclesiae, & commune
 ejus bonum procurare , auferendo impedimenta. Hæc P.
 Suarez.

Ergo si juxta doctrinam P. Suarez licitum est
 cuilibet de Ecclesiâ , redimere vexationem ejus,
 dando pretium Electoribus , ne eligant indignum;
 potiori jure licitum erit Principi (qui est de nobili-
 oribus membris Ecclesiæ) agere de redemptione
 vexationis ejusdem, non dando pretium, sed funden-
 do preces, & representando sacris & Eminentissimis
 Electoribus indignitatem alicujus determinatæ
 Personæ.

79 Prosequitur P. Suarez num. 38. Per illam pecuniam
 non determinatur voluntas eligentis magis, quam secundum
 rectam rationem determinari debet: sed tantum à malo removetur,
 & inducitur ad bonum ; non emendo ab illa suffragium ,
 sed

Sed removendo pravum affectum ejus , ut libera maneat ad justam electionem: Hæc Suarez: qui semper fatetur redemptio- nem vexationis totam consistere ante Electionem; & cùm Exclusiva sit redemptio vexationis Ecclesiæ , sequitur quòd omnino extranea sit Electioni. Semper pondero hoc, quia quoties de Exclusiva differentes audivi, in hoc solo puncto impingebant , quasi alio pede non claudicaret.

*Sed ut magis commendabilis appareat Prin- 80
ceps , qui Exclusivam repræsentat: audiamus iterum P. Suarez ponderantem commoda & utilitates, quæ in beneficium Ecclesiæ resultant , ex impedimento apposito, ne indignus inthronizetur. Dubitari tamen non potest (inquit Author numero 42) quia de electione ad summum Pontificatum sit specialis ratio quam in alijs electionibus ecclesiasticis : tūm propter supremam illius dignitatis potestatem, quæ eminentiam magnam charitatis & prudentiæ , & magnam animi moderationem requirit , ut dignè & utiliter administretur; tūm propter necessitatem totius Ecclesiæ universalis , quæ longè major est : tūm etiam, quia error semel commissus in illa electione circa personam electi , emendari non potest (ponderahoc, ut gratias agas Principi indignum excludenti) quia Pontifex semel electus non habet superiorem in terris: in alijs veò electionibus , si errores graves committantur, possunt per superiores Prelatos , vel per ipsum Pontificem emendari. Et hinc fit , ut*

ista electio non possit semper arctari ad generales terminos iuris communis; sed adeos tanquam, qui circa illam specialiter à Pontificibus sunt ordinati: & in alijs regulanda sit, secundum rectam rationem, & divinam legem: ita ut omnia, quæ intrinsecè mala sunt (ut electio de indigno) vitentur: & in reliquis, quæ specialiter prohibita non sunt (quis Pontificum Exclusivam prohibuit, etiamsi non raro interponatur?) ea liceant, quæ ad dignam, & puram electionem faciendam, & ad melius Ecclesiæ providendum, conducant. Hactenus P: Francisco Suarez: Tunc sic: Sed Exclusiva conductit ad dignam, & puram electionem faciendam, & ad melius Ecclesiæ universalis providendum, ut probavi, & latius Sectione sequenti apparebit.

Ergo licita dicenda est &
laudabilis.

SECTIO